



UNIVERSITÄTS-  
BIBLIOTHEK  
PADERBORN

**Ivlii Cæsarisi Scaligeri Epistolæ & Orationes**

**Scaliger, Julius Caesar**

**Lugduni Batavorum, 1600**

In Theophrasti Animadversiones Præfatio Ad Illustrem ac Reuerendum  
Gothofridvm A Cavmonte Cleracen. Abbatem. VI.

---

[urn:nbn:de:hbz:466:1-70455](https://nbn-resolving.org/urn:nbn:de:hbz:466:1-70455)

ris istas bonæ famæ hirudines ideo vociferari, ut ne quod eis deest adsit nobis. At enimvero nobis tam non abest quod eis adest, quam adest quod non adest illis. Quare porro danda est opera nobis, ut dum illi ad aleâ ætatem transmittunt, aut inhiant auro, aut captant magistratus, aut mensarum asseclæ de bellorum summa disputant inter patinâs: nos nequæ illorum voluptates contempsisse, neque ambitiones carpisse, sed studiorum nostrorum nobilitatem, animorum magnitudinem simul & simplicitatem perstringi noluisse videamur.

I N T H E O P H R A S T I  
 A N I M A D V E R S I O N E S P R Æ F A T I O  
*Ad Illustrem ac Reverendum* GOTHOFRIDVM  
 A C A V M O N T E *Cleracen. Abba-*  
*tem. V I.*

**I**NTER ea genera officiorum, quæ omnibus artibus, omnibusque operibus adhiberi solent, princeps esse videtur diligentia. Nam rerum oblatas apprehensiones, vel cû brutis animantibus habemus communes, vel earum nonnullis, tanquam illorum naturæ inuentis, nos postea ad artes  
 redactis

redactis vſi ſumus. At enimuero comper-  
tarum acceptarumque opum habere de-  
lectum (vnde eſt nomen diligentia) ſolius  
humani iudicii beneficium eſt. nam & eis,  
qui hanc in partem incubuerunt, ſummam  
comparat auctoritatem : & eiſdem vel  
negotii vel contemplationis ſtudioſis tan-  
tum adimit laboris , quantum illi , operæ  
poſuerunt. Quare cum omnibus iis, qui ali-  
quid conati ſunt, plurimum debeamus:  
quantum vtilitatis a doctiſſimo quoq. ce-  
pimus, tantum laudis ei aſcribendum eſt.  
quantum veniæ meriti ſunt, qui errarunt,  
tanto plus mereantur , qui emendarunt.  
Neque enim aut regionum commune ius,  
aut natura cōſanguinitatis, aut officia ami-  
corum eius potentia eſſe debent : vt veri-  
tas ipſa cuius titulis atque imperio ſapien-  
tia ſtat, de animis noſtris deleatur. Eius igi-  
tur regnum non animi libidine quæren-  
dum , non muniendum factionibus , non  
conſtituendum gratia populari:ne , quod  
aciei atque perſpicacia ad ipſam inueſti-  
gandam requiritur , id auferatur ab iis affe-  
ctibus, per quos & docentibus temere ob-  
ſequi, & nobis ſtolide placere properemus.  
nihil enim iniquius , quam aliis imponere,  
nihil miſerius , quam ſibi accipere iugum

seruitutis. Nā profecto quid agimus aliud  
hac in vita, quam vt tum optimo consilio,  
tum secundissima fortuna nostri simus? sin  
id minus e sententia procedit, at saltem in  
hostium potestatem ne veniamus. Nemo  
vero nobis infestior, quam qui nobilissimis  
animis nostris Deoque simillimis vel ta-  
cendi, vel loquendi præscribit necessita-  
tem. Sic artes creuere per initia: sic nunc  
demum sunt conseruandæ. Neque tamen  
nos tam nobis arrogamus, quod ab aliis  
vindicamus: quam nefas ducimus, quod  
vindicari possit, id ab aliis arrogari. Enim-  
vero a primordiis ipsis, rudimentisque stu-  
diorum meorum nihil mihi prius, aut ca-  
rius fuit, quam vt veterum memoriam co-  
lerem, maiestatem recentiorum venerarem.  
quippe illos sapientiæ nostræ auctores, hos  
gloriæ participes existimabam. Quapro-  
pter ita demum commodis meis satisfac-  
turum sperabam, si & ad illorum ma-  
gnitudinem admirandam, & ad horum  
diligentiam obseruandam, & ad vtriusque  
ætatis operam imitandam meipsum com-  
pararem. Cum enim duo scriptorum ge-  
nera animaduerteterem, vnum vetus, qui vi-  
derentur leges imposuisse nobis, alterum  
posteriorum, qui per illorum vestigia ad  
certam

certam veritatis normam suas rationes direxerunt: comperiebam neq. illos ea inter se fuisse lenitate, vt præceptoris discipulus, filius patri pepercerit: recentiorum vero animos adeo plenos libertatis, vt quas illi arces in studio veritatis sibi communisse visi essent, ii sæpenumero sua putarent opera expugnatas. Quot nunc in contro- uersis versatur res non solum naturalis, sed diuina illa ipsa quoque, quam & planissi- mam & simplicissimam esse decuit? Qui- bus de causis cum post exhausta prioris vi- tæ officia me ad animi cultum contulif- sem, videremq. perpetuis disceptationibus lucem, ignauis assensionibus tenebras affer- ri rebus: quod illis literario iure obuénisset, mihi quoque licere aliquando arbitratus sum. Igitur (tametsi fero) Platonice at- que Aristotelice sacris initiatus plurima nouis iudiciis emendata intuens, patere hunc aditum libertatis nobis quoque sen- si: propterea quod ea, quæ essent sola in ra- tione posita, solius rationis imperio partim admittenda, partim exigenda viderentur. Ergo in illorum libris quantopere studio- forū gratia laborauerimus, multis magnif- que lucubrationibus, magno dispendio va- letudinis, magno vitæ periculo testatum

reliquimus: in Theophrasti vero disciplina quid sentiamus, tum aliis plenioribus, tum hisce minutis commentariis aliquantum declaratum puto. Qui libri propterea quod a Theodoro Gaza opera plusquam humana, iudicio diuino Latini facti essent: deterruit me sæpe ac diu recepta de viro illo opinio ab ea prouincia suscipienda, quæ in illius castigatione vel tantillum gloriæ aucupari videretur. Miseram vero fortunam, si nos, qui beneuoli admonitoris præferimus nomen, reorum modo causam dicere cogamur. Cæterum defensionem meam, ut est ingenua ac pura, ita his paucissimis verbis contineri posse mihi persuadeo: si vel ille, vel alius quiuis, (neque enim aut Theodorum, aut Theophrastum ipsum, denique vllum alium hominis temere tu mentem titulo excipiendum censeo) si quis, inquam, errarit, is cuiusuis alterius vel prudentiam admittat volens, vel patiatur inuitus animaduersionem: si recte omnia ab omnibus inuenta, digesta, dicta sunt: in me vnum merito recidat ista castigatio. Verum multos sane tædet, deponere illam, quam & imbiberant ipsi, & alii de Theodora tradiderant opinionem. Ego vero cum plurimis maximisque argumētis

eis illum summum virum iudico ,tum & memini fuisse hominem, & agnosco peregrinum, & scio in codices, quemadmodum nos quoque , mendosos incidisse : & animaduerto inter primos eiusmodi provinciam suscepisse. Quæ res ei vt ad veniam causas habebant multas: ita docerunt nos, ipsum errare potuisse. Nam quod strepebant Barbari quidam, verborum tenuis a nobis conuexatum , & utebantur ij vocibus calumniatorum , & cuius laudis partem inuidebant nobis , eam totam adimebant illi: etenim quidnam aliud Theodorus, quam loquitur aliena? Quocirca nos quoque , siue quæ sunt auctoris , dicimus, eadem in laude versari permittant: siue melius , asciscere cogant etiam meliorem. Quod si vel dictionis modum , vel etiam sententias castigauimus, iam non aliena, sed nostra cum eloquamur, ne per Deum immortalem pro tanto beneficio ab obrectatoribus ignominiam potius accipiamus , quam a bonis bona cum venia accipiamur. Atque ad hæc quidem quo possem modo, conficienda cum me sæpe numero & accinxissem , & variis bellorum tumultibus oppressus, assiduis negotiis ciuilibus impeditus identidem substitissem: tua Gothofri-

de Caumonti magnanimitate excitatus, auctoritate impulsus, id otij, quod a tempore non dabatur, aut animi vi extorsi, aut infidiis exceptum suffuratus sum, in quo partirer curas quotidianas cum officiis literariis: a quibus quamdiu nõ decederem, tandiu me bene beateque viuere putarem. Ac tametsi videbantur hæc fortasse operæ tenuioris, minimeque digna, quæ tam illustri nomine circumferrentur: tamen cum tantus philosophus tam accurate in his versatus sit, me, qui frustra id laboris ab eo sumptum pati noluissem, æquum fuit, siue ea essent magna atque admiranda, viro incomparabili merito dicare: siue humiliora viderentur, e splendore tuo immortale nomen eis comparare. At enim uero citius mirentur viri magni, quare non tibi cætera cuncta monumenta mea, quam quod hæc pusilla tuo nomini dederim, qui enim esfes vniuersæ reipub. literariæ decus, meæ gloriæ ornamentum, quæ a me officia omnia proficisci possent, tibi præter cæteros tribuenda iure fuisse. Neque vero vt argumentum hoc procul distat a prudentia ciuili, continuo disclusum est ab ingenio tuo, cuius apparatus nullis humanis limitibus præscribuntur. Quæ enim est ars in  
Sapien-





discerpta cōstantissimæ iudicium pietatis?  
 Qualē vero tandē dicemus virum, qui &  
 ibi iubere, & temporibus imperare possit?  
 nunc nuper ardente bellis Regno, atque ic-  
 circo litterarum studiis per Fortunæ acer-  
 bitatem obsoletis, te inter arma necessario  
 maxime tempore præsentem senserunt ex-  
 ercitus, Sapientiæ studia sui memorem ab-  
 sentem agnouerunt: cum non animi præ-  
 cipitem impetum ad militiam efferendam  
 afferres, sed ardorem militarē animi com-  
 positione redderes insuperabilem. Age in-  
 feramus oculos in conuentus atque socie-  
 tates hominum, circumspeciamus sæculum  
 hoc: quæ remissiora ingenia sine compara-  
 tionibus non permouentur, ex virtutum  
 solitudine atque vastitate magnitudinem  
 tuam contemplantur. Itaq. qui te omnium  
 cogitationum mearum principem, officio-  
 rum auctorem existimarem, & grauioribus  
 meis studiis dignum semper arbitratus sum  
 propter animi diuinitatem, & subtiliores  
 lucubrationes ausus sum reponere in sinu  
 tuo, in quo nunc ita fouerentur, vt. perpe-  
 tuo posthac crescerent. Nam qui eas le-  
 gent, haud dubito quin laborem pene in-  
 mensum probent, exactissimis iudiciis ac-  
 quiescant: qui non legent, maximas nihil-  
 ominus

ominus fuisse putent, quæ tuo nomini consecrare aulus simi.

IVLII CÆSARIS SCALIGERI  
IN LIBRUM DE SVBTILITATE, AD  
HIERONYMVM CARDANVM  
PRÆFATIO. VII.

**N**OMINIS tui splendor, atque magnitudo, Hieronyme Cardane, vel ignavissimum quenque poterat accendere ad obtrectationem: nisi nobis omnibus compertum esset, te tuam gloriam non cum publica vtilitate solum, sed cum singulorum quoque laude coniunctam esse voluisse. Quocirca licuit nobis procul ab omni studio contentionis otio frui, atque tranquillitate literaria, nostrosque animos tanquam in arce quadam veritatis collocatos continere, quam tu posteritati magnis operibus exædificasses. Neque enim lectissimæ decrant observationes infinitæ pene lectionis: & aderat ingenij vigor insignis ad omnium scientiarum minutissima queque momenta consequenda. Acerrimum vero iudicium, quod ego animam Sapientiæ vocare consuevi, etiam supererat. Diligenter ergo legenti mihi disceptationes tuas, in quibus